

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- प्रधानमंत्री नरेन्द्र मोदी होर इस म्हीने दी 8 ते 9 तरीक गी रूस दे सरकारी दौरें पर होंगन।
- 1 लकख 30 ज्हार शा बद्ध 6में दिन श्री अमरनाथ जी दी पवित्र गुफा च मत्था टेकेआ ते अज्ज बडलै तकरीबन 6 ज्हार 919 श्रद्धालुएं दा 8मां जत्था जम्मू आधार शिविर थमां रवाना।
- उपराज्यपाल मनोज सिन्हा होरें शैहरें-कस्बें दी योजना तैआर करने आले, इनेंगी आकार देने आले ते इंदे माहिरें गी भविक्ख लेई तैआर शैहरें दे निर्माण पर खास ध्यान देने लेई आखेआ ऐ।
- केन्द्री मंत्री डॉ. जितेन्द्र सिंह होरें आखेआ जे दुनिया 2025 तगर अंतरिक्ष ते गैहर समुंद्रै च पैहले भारतीय दे पुज्जने दी गवाह बरोगं

<><><><><><>

PM- Russia

प्रधानमंत्री नरेन्द्र मोदी होर इस म्हीने दी 8 ते 9 तरीक गी रूस दे अधिकारिक दौरें पर जा'रदे न। विदेश मंत्रालय नै आखेआ ऐ जे मोदी होर रूस दे राष्ट्रपति ब्लादीमीर पुतिन हुंदे साद्दे पर 22में भारत-रूस सालाना शिखर सम्मेलन च हिस्सा लैने लेई मास्को जांगन। दवै नेताएं दा आपसी हित कन्नै जुड़े दे इलाकाई ते कुल संसारी मुद्दें पर चर्चा बी तैह ऐ। एह्दे बाद प्रधानमंत्री होर इस म्हीने दी 9 ते 10 तरीक गी आस्ट्रिया जांगन। पिछले 41 ब'रें च कुसै भारतीय प्रधानमंत्री आस्सेआ आस्ट्रिया दी एह पैहली यात्रा होग। श्री मोदी होर आस्ट्रिया दे राष्ट्रपति अलेकजेंडर वान डेर बेलेन हुंदे नै मलाटी करगंन। ओह् उत्थुं दे चांसलर कार्ल बेहम्मर हुंदे कन्नै बी गल्लबात करगंन। दौनें लीडर भारत ते आस्ट्रिया दे बपार प्रमुखें गी बी संबोधत करगंन। प्रधानमंत्री मास्को ते वियन च भारतीय समुदाय कन्ने गल्लबात करगंन।

<><><><><><>

Amarnath Yatra

दक्खन कश्मीर दे अनंतनाग जिले च स्थित अमरनाथ दी पवित्र गुफा च बर्फू नै बने उे शिवलिंग दे कल 24 ज्हार 978 श्रद्धालुएं दर्शन कीते। अधिकारिएं मूजब हुनै तगर 1 लक्ख 30 ज्हार 260 श्रद्धालुएं इस पवित्र गुफा च दर्शन कीते न। एह यात्रा 29 जून गी शुरू होई ही। उआं 7 ज्हार 919 यात्रुएं दे 7में जत्थे गी भगवती नगर आधार शिविर थमां रवाना कीता गोआ। बम्म-बम्म भोले दे जयगोश कन्नै एह श्रद्धालु रवाना होए। इस जत्थे च 5 ज्हार 241 मर्द, 1 ज्हार 435 महिलां, 16 बच्चे सनें 214 साधू 214 साधु ते 15 साध्विया शामिल हे। इंदे च 2 ज्हार 542 श्रद्धालु बालटाल आले रस्ते थमां जिसलै के 4 ज्हार 377 पहलगाम आधार शिविर लेइ रवाना होए जित्थें ओह गुफा लेई अपनी अग्गे दी यात्रा शुरू करगंन।

<><><><><><>

Yatra Ramban

रामबन जिला प्रशासन अमरनाथ श्रद्धालुएं गी हर जरूरी सहूलत उपलब्ध करोआ'रदा ऐ। जेहदे च सीसीटीवी कैमरें राएं निगरानी, सुरक्षा च बाद्धा लगातार निगरानी ते यात्रुएं आस्सेआ कुसै बी पुच्छ-गिच्छ आले सुआल दी बरोबर जानकारी ते मदाद शामिल ऐ तां जे यात्रा दी सुरक्षत ते अरामदायक बनाया जाई सकै।फ रामबन दे चन्द्रकोट यात्री निवास च यात्रिएं गी मैडिकल सूहलतां बी उपलब्ध करोआई जा'रदियां न। एहदे कन्नै गै उनेंगी चन्द्रकोट च न्हारी खलाई गई। इत्थें एह दस्सना लाजमी ऐ जे खाद्य सुरक्षा अधिकारी जेहडे लंगरे च साफ सफाई ते रूट्टी बरतने आले दे बरोबर मैडिकल चैक-अप वर्दियां ते ग्लवस दे इस्तेमाल बारे मुआयना करदे न, लगातार ब्यौरा लै'रदे न। आकाशवाणी संवाददाता कन्नै गल्ल करदे होई उत्तर प्रदेश थमां आए दे इक श्रद्धालु संजीव कुमार नै आखेआ.....

<><><><><><>

Waste To Wonder

एल्लै जारी श्री अमरनाथ जी दी यात्रा गी दिक्खदे होई ग्रामीण विकास ते पंचैती राज विभाग दे ग्रामीण स्वच्छता सरबंधी निदेशालय नै कचरे गी किट्ठा करने, उसी बक्ख करने, इक थाहरा दूई थाहर पजाने ते उसी खपाने लेई इक व्यापक प्रोग्राम रंभेआ ऐ जेहदा मकसद प्लास्टिक करी पैदा होने आले कचरे गी घट्ट करना ते पर्यावरण सरबंधी तंत्र दे संतुलन गी बनाई रखने च अमरनाथ श्रद्धालुएं गी जागरूक बनाइयै उंदे अंदर बवहारिक बदलाव आहनना ऐ।

श्रद्धालुएं गी रिसाइकलिंग यानि बेकार चीजें गी परतियै इस्तेमाल जोग बनाने दे महत्व बारे जानकार बनाने लेई निदेशालय पाससेआ बालटाल च इक प्रदर्शनी दा सरिस्ता बी कीता गोआ। इस दरान श्रद्धालुएं गी कचरे च बेकार चीजें थमां बनाई गोदी केई शानदार चीजें बारे बी अवगत करोआया गोआ।

<><><><><><>

Sampoornata Abhiyan

राजौरी जिले च समूलचे विकास दी गति च तेजी आन्नने लेई राजौरी दे डिप्टी कमीशनर ओम प्रकाश भगत होरें कल विकास दी तांग आली आकांक्षी ब्लाक खास च संपूर्णता आणियान दी शुरूआत कीती। अपने संबोधन च डीसी होरें आकांक्षी ब्लाकें दी महत्ता पर लोह पाई ते आखेआ जे ब्लाक खास पूरे मुलखै च पंछाने गोदे 500 आकांक्षी ब्लाकें च इक ते जम्मू कश्मीर दा 10मां ऐ। उनें आखेआ जे विकास दी तांग रखने आले इनें आकांक्षी ब्लाकें गी होरने गी प्रेरणा देने आले च तब्दील करने लेई विशेष ध्यान देना लोड़चदा। उआं रामबन जिला प्रशासन नै बी ब्लाक खारी च संपूर्णता अभियान दी शुरूआत कीती। इस कार्यक्रम दा मकसद खित्ते च विकास गी बधाना ते सब्बने सशाधने दा इस लेई इस्तेमाल जकीनी बनाना ऐ।

<><><><><><>

JD Music Album

सूचना विभाग जम्मू दे जायंट डायरेक्टर अतुल गुप्ता होरें “गद्दी चली कश्मीर” नां दी इक संगीत एलबम जारी कीती। इस मौके पर गायक बिशन दास, अदाकारा सोनिया वर्मा, नीरज शर्मा ते संजय बुदकुलिया बी उत्थें मजूद हे। संगीत एलबम कन्ने जुड़ी दी टीम नै जायंट डायरेक्टर होरें गी दस्सेआ जे सब्बने कलाकारें सनें सारा तकनीकी ते सहायक अमला मकामी ऐ। इस संगीत एलबम दी शूटिंग उधमपुर दी खूबसूरत डुडु घाटी ते डग्गन टॉप सनें चिनाब दरेया ते रियासी दे मशहूर बरादरी पुलै पर बी कीती गोदी ऐ। इस एलबम दे राएं जम्मू संभाग दी सगोसार संस्कृति ते छलैपे गी दर्शाया गोदा ऐ। एह एलबम यू-ट्यूब ते होरने सोशल मीडिया मंचें पर बी उपलब्ध ऐ।

<><><><><><>

Pouni Chak

जम्मू जिले दे पौनी चक्क ग्रां गी इफको आस्सेआ जम्मू दे राई7बाई मैहकमे दे सैहयोग कन्ने कीती गोदी इक बड्डी पैहलकदमी दे तैहत “नैनो आदर्श ग्रां” घोषत कीता गोआ।

एह घाषणा इफको ते जम्मू दे राई—बाई मैहकमे आस्सेआ आयोजित किसान गोष्ठी दरान कीती गई जेहदे च जम्मू दे राई—बाई मैहकमे दे डरैक्टर अरविंदर सिंह रीन होरें मुख परौहने दे तौर पर हिस्सा लैता।

<><><><><><>

LG-Urban

उपराज्यपाल मनोज सिनहा होरें शैहरें—कस्बें लेई योजना तैआर करने आलें, शैहरें गी आकार देने आलें ते कन्ने सरबंधत माहिरें गी अपील कीती ऐ जे ओह भविकख लेई तैआर शैहरें दे निर्माण बक्खी मता ध्यान केन्द्रित करन। उनें आखेआ जे माड़े मौसमी हालात, जलवायु परिवर्तन दे असर, चानचक्क गै करवट बदली लैने आले मौसम गी दिक्खदे होई एह अत्त—लाजमी ऐ जे ऐसी तगड़ी शैहरी योजना पर ध्यान केन्द्रित कीता जा जेहदे तैहत भविकख दिएं चुनौतिएं लेइ तैआर शैहरें दा निर्माण कीता जा। उपराज्यपाल होर श्रीनगर च आयोजित इक कन्कलेव दरान भाषण देआ करदे हे। भारत सरकार दे घरें—मकानें ते शैहरी मामलें सरबंधी मंत्रालय दे बैनर हेठ आयोजित दळुं ध्याडें दे इक कार्यक्रम दरान सब्बनं राज्यें ते सरबंधत माहिरें कन्ने होले आला सलाह सूत्र देसै च शैहरी योजना च सुधार लेई बत्त—पदरी करोग।

<><><><><><>

Dr. Jatinder Singh

विज्ञान ते टैक्नालोजी सरबंधी केन्द्र मंत्री डॉ. जितेन्द्र सिंह होरें आखेआ जे 2025 तगर दुनिया अंतरिक्ष ते गैहर समुंद्रै च पैहले भारती दे पुज्जने दी गवाह बनोग। उनें दस्सेआ जे 4 अंतरिक्ष यात्रिएं च 3 ग्रुप कैप्टन ते 1 विंग कमांडर गी भारत दे पैहले मनुक्खी अंतरिक्ष मिशन “गगनयान” लेई चुनेआ गेआ ऐ। अंतरिक्ष ते समुंद्र दे खेत्तर च भारत दी तरक्की पर डॉ. सिंह होरें आखेआ जे भारत दे गैहरे समुंद्रै दे अभियान च 2025 तगर 3 भारतीयें गी भेजेआ जाग।

<><><><><><>

Sarpanch Sammelan

भारतीय सेना नै रामबन जिले दी दूर—दरेड़ी थाहर बुजला च सरपंच सम्मेलन दा आयोजन कीता। इस सम्मेलन च शामिल होए दे लोकें गी मजूदा सुरक्षा स्थिति दे कन्नो—कन्नी खित्ते च बधा'रदी नशाखोरी दी कबैतु बारे दस्सेआ गेआ।

सम्मेलन च 40 शा मते लोकें दी शमूलियत दिखने गी लब्धी। जेह्दे च सरपंच, पंच ते मौलवी बी शामिल हे। इनें स्वास्थ्य दिक्खभाल, सोशल मीडिया जागरूकता, नशे खलाफ जागरूकता ते सरकार आस्सेआ ग्रामीण विकास लेई शुरू कीतियां गेइएँ पैहलकदमिएँ ते परियोजनाएं पर तफसीली गल्लबात कीतीं इस कार्यक्रम दरान भारतीय सेना आस्सेआ ग्रामीण समुदाय दी बेह्तरी लेई पुट्टी जा'रदी गेईं बारे बी जागरूक कीता गेआ।

<><><><><><>

BNS Samba

महिलाएं दे सशक्तिकरण सरबंधी संकल्प पंचईडब्ल्यू सांबा पास्सेआ पंचैत घर बढेरी ते घोरा च जागरूकता प्रोग्राम दा सरिस्ता कीता गेआ जेह्दा भारती न्यांह संहिता च महिलाएं लेई उपलब्ध प्रावधानें पर केन्द्रित हा। इस मौके माहिरें दी टीम नै महिलाएं दी सुरक्षा, मान-सम्मान ते न्यांह जकीनी बनाने लेई महिलाएं गी कनूनी तौर पर जागरूक बनाने दी जरूरतै पर जोर पाया। कार्यक्रम दरान महिलाएं खलाफ होने आले अपराधें जियां घरेलू हिंसा, यौन उत्पीड़न ते लैंगिक आधार पर होने आली हिंसा गी रोकने च भारती न्यांह संहिता दी महत्वै आली भूमका पर लोह पाई गेई। एह पैहलकदमी बेटी बचाओ बेटी पढ़ाओ अभियान दा इक हिस्सा ऐ।

<><><><><><>

Farmers Interactions

बागवानी विभाग जम्मू आस्सेआ पंचैत पलनवाला-खौड़ दे बन्ने कन्ने लगदे इलाके च इक ध्याड़े दा करसानें कन्ने गल्लबात आले कार्यक्रम दा आयोजन कीता गेआ। बड़ी बद्ध गिनतरी च लोकें इस कार्यक्रम च हिस्सा लैता जेह्दे च महिला ते नोजवान बी शामिल होए। इस दरान अधिकारिएँ करसानें गी बक्ख-बक्ख परियोजनाएं बारे जानकारी दित्ती ते समग्र कृषि विकास कार्यक्रम उपपर खास ध्यान दित्ता गेआ। लौहके पैमाने पर फल-प्रसंस्करण इकाइएँ गी स्थापत करियै आप सहायता समूहें बनाइयै करसान आत्म निर्भर बनी सकदे न ते अपने समुदायें ते इलाके च रोजगार दे मौके उपलब्ध करोआई सकदे न।

<><><><><><>

Leprosy

डोडा दे सेहत विभाग नै मैडिकल ब्लाक अससर हेठ ओने आले सारक मरमत ग्रां च कुष्ठ रोग दे इक संदिग्ध मामले दा पता लगने परैत उत्थें व्यापक सर्वेक्षण दा कम्म शुरू कीता ऐ। राष्ट्री कुष्ठ रोग नियंत्रण प्रोग्राम तैहत आयोजित इस अभियान दे पैहले ध्याड़े सीएमओ दफतर थमां आई दी सेहत मैहकमे दी टीम नै कुष्ठ रोग बारे केई सारे जागरूकता कार्यक्रमें दा सरिस्ता कीता।

अगले दऊं दिनें दरान एह् टीम घर-घर जाइयै बी सर्वेक्षण करोग । माहिरें दी इस टीम नै लोकें गी कुष्ठ रोग बारे जागरूक बनाने दे कन्नो-कन्नी उनेंगी मलेरिया बारे बी जानकार बनाया ।

<><><><><><>

PM-Paris

प्रधानमंत्री नरेन्द्र मोदी होरें ओलंपिक लेई पेरिस जा'रदे भारतीय दल कन्नै गल्लबात कीती । सोशल मीडिया पोस्ट च श्री मोदी होरें आखेआ जे उनेंगी पूरा भरोसा ऐ जे खडारी अपना सर्वक्षेष्ठ प्रदर्शन करगंन ते भारत गी होर मान-सम्मान दुआंगन । उनें आखेआ जे उंदी जिंदगी दा सफर ते कामयाबी 140 करोड़ लोकें गी मेद बझांदी ऐ ।

<><><><><><>